

晚晴移詩匯

晚晴移詩匯卷三十一目錄

徐元文 十五首

葉方霽 十二首

姚締虞 一首

翟廉 二首

于覺世 二首

王追驥 二首

盧乾元 一首

王大作 一首

崔華 七首

鄭日奎 三首

曹鼎望 五首

姚文燮 一首

李仲 一首

井在 三首

王鉞 二首

馬驢 一首

李如蒨 二首

高恆懋 一首

彭鵬 二首

成克大 五首

鄭茂 一首

支隆求 一首

孔貞瑄

一首

王士禎

一首

董俞

二首

崔華

七首

馬騰龍

一首

張玉書

五首

李仙根

一首

申涵盼

九首

孫蕙

十七首

馬世俊

四首

羅人琮

一首

邵延齡

三首

李時震

一首

連佳樗

七首

張衡

四首

牛樞

一首

孫錄

五首

蘇楫汝

二首

葉映榴

一首

林堯英

二首

魏裔訥

三首

王維坤

七首

高之駒

一首

李世錫

二首

趙培基 三首

唐世徵 一首

侯元斐 一首

諸嗣郢 三首

李自郁 一首

蘇媚 四首

晚晴移詩匯卷三十一

徐世昌

徐元文字公肅號立齋崑山人順治己亥一甲一名進

士授修撰官至文華殿大學士有含經堂集

詩話立齋昆季並掇巍科同躋台鼎文章上結主知
士林奉爲泰斗而皆不安於位立齋致仕後未久卒
於家其詩修潔整飭律句長
於隸事猶有幾社之餘韻焉

懷賢詩

馮太傅溥

嶽嶽馮太傅由來秉直伉格心帷幄中抗議巖廊上兩朝
信貞篤終以資弼亮殷然去國心矢謨一何壯重謁屬車
塵輪忠永不忘

車駕東巡公奏乞
回鑾請無南幸

湯巡撫斌

中丞荷道重沉靜寡物慮致君託蓋誠推己得強恕屹焉
鎮江國清風暢晨曙樹表畏具僚惇俗變黎庶持用悅性
情非取要民譽

徐總漕旭齡

吾宗挺賢達翛然美無度抗志古人間落落遺世務登陞
色不辱宰物眾所慕再歲畀雙節一日芟百蠹持情無激
矯適己但貞素

徐處士枋

卓哉徐處士皎節淨如練入山豈必深塵跡自能斷載乘
探幽奧山川寫英綯君善丹青賢以給食獨寤聊自歌斯飢亦云宴
珍重式廬情斯人不可見巡撫湯公屏驛從入山訪之君辭不見

陸知縣隴其

陸君任名教學植固深基秉禮自貞篤執德無委隨鳴琴
化不輟塵甑固其宜畜民如子弟求理若渴飢安得究儒
術樹之爲人師

韓學士莢

矯矯韓學士高視薄浮塏寡慮泊無營立言道所賴痛飲
非徒然寄賞不在外物情任回通攬古意自泰心清白雪
照興逸朱霞會

汪編修琬

汪翁鈍自名曾不樂宦達平生無俗情率爾自軒豁真意
安可渝隨人議疏闊著書何沈深直排古賢闢山館愜嘉
賞塵組猶屣脫

張知府鵬翮

張侯天姿妙瀟灑自拔俗驚人厲危操適己澹羣欲挺節
立郡朝疆直無蹙縮吳趨攀素車魯郡明丹轂君莅吳未
甚著以憂去
後補守兗州何用美斯人比德崧山玉

二給事詩

孫君蕙

元叔賦疾邪發音何煌煌休璉感時俗陳辭慨以慷伊人
負奇姿奕奕黃門郎傲昂論意氣伉達上封章嫉惡有本
性見之若採湯作詩寓孤憤屬興深且長此意誰實諒讀
之增感傷

任君辰旦

諛巧日以工直讜道不存聖明忠易效曷不顧國恩之子
奮百里高步登掖垣職思在獻納天關手欲捫登祀諒非

古違眾進苦言

君上疏論封禪事

艱哉松山役慷慨聲不吞

君奏塞

外明時戰骨得旨詰問令馳往

省視人皆爲君危君意氣自若

碌碌彼徒爾遇合烏足論

江南三學使詩

三學使者劉君果田君雯趙君崙皆山東人

人心日已偷士恥日已忘鬱彼禮義府俄成賕賂場梗梓
誰爲收筐篋厚自將因緣書上考意氣何軒昂安知抱玉
客掩涕徒浪浪吳都信多幸銜使交琳琅劉君奮才傑高
自標門牆所過列巾卷訓飭故百方田君夙英挺若渴勤
搜揚文體一以變流風爲之昌弭節未淹歲矯矯立士坊
繼以連城璧溫雅彰令望采采深淵藻灼灼茂林芳人思
肆朱絃戶有陳青箱彼皆奮東國身近鄉魯鄉聖澤雖已
遠篤生尙材良教術豈苟同同於厲冰霜足令振頽俗姓
氏餘輝光

秋日雜感

雲物蒼涼禁籞同
逼人秋氣動遙空
銅池霽滴宵宵雨
金井梧飄葉葉風
秘閣幾曾鏘佩玉
繚垣時聽響哀鴻
當年醉草青詞處
滿徑苔衣鎖碧宮

天兵萬里播聲靈
誓掃鯨鯢服不庭
催戰正馳赤白羽
轉輸難論斗箕星
同時將帥推徐勣
蓋代勳庸數衛青
文齒雕題拓地遠
受降還擬到窮溟

金風閭闔授衣初
隴畝荒蕪足感歎
淮右人民祈石燕
江州車馬就河魚
大農孰問長平粟
左藏仍編會計書
但得政苛非猛虎
甘將膏血佐儲胥

夢到闔閭城外望
一天寒色滿平蕪
街調獻轡嚴秋馬
樹繞將雛子夜烏
白羽將軍初建節
青苗長吏正催租
廟堂

自軫艱難意誰繪流民入畫圖

葉方靄字子吉號初庵崑山人順治己亥一甲三名進士授編修官至禮部侍郎加本部尙書諡文敏有讀

書齋偶存彙

詩語初庵以文學受兩朝特知清望最著論詩服膺漁洋交相契重初著曰觚齋集自棄其彙及編集專載登朝至歸田之詩而漁洋感舊集所錄泰半爲其少作氣體清迥超俗晚年乃多和雅之音嘗編錄國初諸家詩曰獨賞集分家自題絕句持論至允

村舍見紅紫葵花開特可愛

插棘編荆茅舍清此中誰擬見傾城紫絲作障遮空暗紅錦裁衣曳地明惆悵忽從攀處得淒涼多爲別時生不須更結繁華夢野蝶山蜂自有情

春日

柳短閒莎長春風觸處狂蝶飛遺剩粉鶯過炙新簧銀榼
頻傾酒金鑪滿蒸香可容窺阮籍一慟綺羅旁

秋日過鄰院

山雲禪榻靜相因偶爲孤游得笑頻閒對景光真逝水暗
悲身世總流塵頻來檐鳥疑新主別去庭花是故人一闋
漁歌數聲笛溪邊林下轉情親

枯樹

無復凌霄聳壑心千尋落落卧幽岑敢將榮悴爭時代獨
與巖流共古今縱使帆來難近漢便教斲就不堪琴南朝
名士雖工賦未解莊休意更深

柳

媚雨拖煙萬萬絲秋來顚顚不勝悲何人曾到靈和殿記

得君王手種時

瓊樹

瓊樹何曾見一枝紛靡眾草競英蕤擬從騷客求蘭佩欲
向靈妃問桂旗天上只疑星是石人間枉泣墨非絲偶經
抵鵲山前過終古無端替玉悲

清江

清江水色碧於苔南客扁舟北渡來曉日未瞻鵲鵲觀陰
雲已滿鳳凰臺漫防酒醉先防醒不怕花殘卻怕開無限
傷心還自語此生終見太平迴

將至辰山寄勿庵子

知近幽人住谿流覺更清偶隨落花入忽見羣峯迎石上
遲誰酌澗邊遙獨行煙波三十里無分與君爭

關隴平

關嶺茫茫隴流湯湯紆徐逶迤崢嶸嶮巖面蜀肘涼輔車
相將狡焉啟疆震驚我一方章一關嶺兀兀隴流湑湑彼涇
啟戎乃蠢茲蠢賊爲虺爲蜺爲蜚爲蜚爲騰昂首張臆助逆抗
有德如蝟之集如猗之突章二涇原旣清羣賊大震睢睢盱
盱延旦夕之命帝命臣海爲隴民徙災帝命臣勇師出自
西陲章三帝詔臣海汝速入坂出彼朝那爲勇軍援犄之角
之沓之蹙之除民之愚俾婦子恬適尙嘉乃績章四海涉河
涇言騰灞澹泰山矗突欽崎隴坂踰邠越涼飛旂揚旆扶
輿猗靡雲罕絳繚雍部阻長敢憚痛瘡式遏寇虐以甯爾
室家章五勇自河西銜枚疾指來從酒泉轉戰天水矯矯虎
臣一乃心力摧堅挫鋒盪彼蠢賊兵車百萬洶洶雷震橫

會方州爲行爲陣

六章

東西合圍賊在釜底

叶平

其智斯竭其

魄斯奪勇率其麾崖誅谷討曰臣思克曰臣進寶赳赳奮

武爲王干城勇實帥之桓桓於征

七章

於征何所於鞏於臨

道阻且長蔽虧岑崑深入其阻禽獮草薶申用三驅根株

斷刈餘賊竄蜀游魂猶悸西夏以綏賀蘭其父

八章

脅從蚩

蚩亦孔之哀寬其誅鋤予以惠來維海維勇剛克柔克勇

也帥師爲闢爲被海也救民爲採爲活北地土郡稽顙歸

命如旱望霓海實綏之

九章

義威戢武奠我西陲剖蜩蜋

人畏以懷秦民嘯呵化爲謳吟殄熄暴悖克廣德心經戰

伐區蠲除租賦問孤弔死起迺沈痼廓我皇恩義聲先路

帝德振振隴山旣平隴流旣清維天子之禎隴山旣伏

次黔粵滇蜀敢不讐伏如翰如飛萬福來威

十章

維臣之

力維師之武繫縛巨憝爭刈膾膚寒神人之怒黔首喁喁
式歌且舞億萬斯年篤我皇景祐章十二

海氛清

巨浸稽天滔滔如何天吳蜩像倚以爲家有鯨有鰐有蛟
有鼉摧幢決帆血人於牙中國有聖人爾獨揚其波章一蠢
茲蛙黷亦雜此處曰予勝國後誕敢繼其緒藉瑕蹈黷伺
窺肘腋結連蜂螫載逞兇慝離間我臣僕盜據我疆場章二
於興於泉於汀於漳乃揚沸湯乃噪蜩蟬我有城郭倏爲
沮汝我有民人倏爲鰥鰥忍死須臾后來其蘇章三王承帝
命建大將軍旗鼓我冠帶之國忍鱗介是伍據我上游張
我蠶學與子偕作與子同仇悉率左右殲此羣醜章四暨暨
藩臣一心一德討賊自贖不叩已恤塹山堙谷馬騰舟駛

親董其旅以臨濛汜陛下曲赦臣臣敢不效死

五章將士和

睦有鳧在藻旣獲賊師如飢斯飽或拔其角或脫其距或

斧其吭或截其脅賊窮見窘無地自處

六章

彼强者跳我攘

我逐彼黠者窮我殄我戮神赫之毒鬼速其覆如探鷄鳥

如振槁木非我黠武取彼殘已足

七章

前徒旣奔兇渠束手

計無復之狼奔鼠走茫茫煙島爲逋逃藪仁無必取義不

盡殺屏諸窮髮無污我王鉞

八章

四州士女來迎王旅君子

維何元黃在筐小人維何饗殮在宮復爲王臣以耕以仕

歌帝之德誦王之武

九章

帝德溥將涵負吐納百谷來王

天與地沓何人不綏何物不懷何戾不蠲何善不嘉皇仁

熙熙云何不來

十章

皇帝在位受天之錄東西朔南無思不服其有不服自嬰

顯戮獻馘於泮獻俘於廟武功既昭文德用紹史臣奏雅
來哲是詔十一
章

弔鐵崖墓

先生不可見遺塚自斜暉無復攜紅袖還聞葬白衣才銷
明主忌老幸故人依鐵笛吹雲起猶疑踏月歸

授職翰林學士感恩述懷

麻衣席帽滿塵埃親荷

先皇鸞沐來敢道齊賢留異日屢稱蘇軾是奇才身離牛
口驚還在夢挽龍髯恨不迴今遇吾君重拂拭孤桐果否
爨餘材

姚締虞字厯升號岱麓黃陂人順治己亥進士官至四
川巡撫

夜東王少參舟中

薇省辭黃鶴蘭橈伴白鷗
岸回江月抱天迴夕雲流
銀漢乘霄上金陵逼歲適
田租聞復減側識漢皇憂

翟廉字靜生號棘麓趙州人
順治己亥進士歷官布政
使參議有宦游偶寄

感懷

兵戈紛在眼骨肉遠關心
半載音書滯孤城草木深
黃昏燐火出白日陣雲陰
何處猿啼急淒涼游子吟

高營夜坐感懷

紅衣新熟橘白首老書生
解渴閒呼酒思家厭說兵
海天風鼓浪平野月臨營
遙憶黃河北霜寒古趙城

于覺世字子先號赤山山東
新城人順治己亥進士歷

官廣東提學道僉事有居巢燕市使越嶺南諸集

詩話赤山別號鐵樵山人初除歸德推官改令巢縣
夜督兵捕巨盜後乞養歸唐豹巖稱桓臺二孝子謂

傳彤臣及
赤山也

送別北山都諫

竹西亭下放舟行一曲驪歌送客情去盡游人山色暮崑
崙岡畔又潮生

感懷和家兄回狂韻

十年作賦客心違獨倚危樓歎落暉天問有詞愁莫對奚
囊得句滿方歸畫中詩意雲生岫醉裏良朋月傍扉何日
乘風當破浪監州不設蟹初肥

王追騏字雪洲號錦之黃岡人順治己亥進士改庶吉

士授禮科給事中有居俟樓集

送錫杜湘民南旋

汝歸仍是客故國似無情涼月纔今夕秋風已半生相期他日夢共愛盛時名別意難持贈江流不斷聲

孟秋客中

秋飛一葉後人在萬山中遠笛荒村月孤衾野店風樹衰容自老蟲細語偏雄知我今宵夢蕭蕭北地鴻

盧乾元字萬資號餘庵漢陽人順治己亥進士改庶吉士歷官工部員外郎有世清堂集

懷王來碩

碧灣成卧隱歲晚事誅茅月白尋漁桁風危護鳥巢文章歸老宿魂夢戀深交自達窮通理無煩作解嘲

王大作字遂子曲沃人順治己亥進士官行人司行人

有穆園集

瀑布

曾聞擬海立今信有泉飛絕壁風霆鬪青霄煙雨霏光寒
秋客袂雪瀨宕漁磯晚渡石橋去真同雁蕩歸

崔華字蓮生平山人順治己亥進士歷官陝西涼莊道

有公餘詠

詩話蓮生初官浙江開化令禦賊復城擢守揚州權
運使振災治離皆著政績晉任關中未至旋卒時稱
循良之最詩格頗高游山諸篇清曠不減大謝七律
如檻外天低吳苑樹窗中人倚洞庭山亦佳句也

山游紀勝

冲襟躡秋岑日落千崖聳孤嘯臨遠風勢與江波動輕策
冠飛鳥萬象接幽蹕寒姿結霜標陰泉澹雲孔橫攬空濛
眇不知煙靄重拂石憇古苔撫松託修竦江色在衣帶寒

溥坐來湧

師子巖

崇巖吐青冥光響限林谷棲神蹟未化踐幽境轉肅緣流
亂木區遵石入雲族忽與煙霧并稍知日月伏目恬天嶺
交心霽風霽穆江海有端倪乾坤不盈掬翛然叩虛抱松
風媚幽獨

合掌峯

奇峯闕天經合沓神化積密石涓細流陰霞蕩虛壁息心
響空音萬象俱踐夕流景媚林姿歸禽度雲隙平挹遙海
蒼俯睨雙湖白空水倒羣峯恍惚天地易洪幽撰耳目眺
聽理勿隔永觀元化初於焉振霄翮

越西行

越西之疆古姑蔑南走滇黔右兩浙萬山迴合抱孤城一
道金溪沸奔雪狂氛一夜吹黑雲閩關以北無堅屯國家
承平三十載卒見烽火皆崩奔彈丸小邑千巖底蹈之直
用韠尖耳城存與存亡與亡不死猶圖報天子奔走風塵
萬嶺間鬪指血濺蟠桃山浮圖一矢賀蘭志誓不與賊生
同天仰天叩心天鑒此收城豈雪生民恥百里提封謝主
恩孤臣待罪甘心矣十年長吏愧蒼黎亂後還驚有子遺
君不見月波亭上清秋魄依舊含情照越西

竹西亭

歌吹揚州路西亭舊足誇香風散羅綺夜月寫琵琶畫鷁
停深柳春城覆落花追思全盛日腸斷玉鉤斜

毘陵道中

挂席當春杪，毘陵古岸舟。
柳攀江雨細，亭沒戍雲浮。
歲禮花空發，城荒麥未秋。
東南財賦地，誰慰一人憂。

吳門道院彌羅閣

飛閣層霄迴，獨攀凌虛憑。
眺俯人寰金鋪畫，暝棲雲霧碧。
落風輕禮珮，環檻外天低。
吳苑樹窗中人倚，洞庭山花洲。
錦纜知何處，千里毘陵一夜還。

鄭日奎字次公號靜庵貴溪人順治己亥進士改庶吉士
歷官禮部郎中有蓉浦別集

小隱巖

竟日窮搜討，幽意猶未足。
更過小隱巖，隨步姿清矚。
兩壁勢相拒，一徑往如復。
石跨澗爲梁，僧緣崖作屋。
簷飛四時溜，窗倚千竿竹。
山花不辨名，溪草隨意綠。
風煙接混茫，聲

光相爲觸主人意殊快張譙巖之曲高歌翻宿鳥清吹振
林木促席盡綢繆開襟謝拘束安知高峯外夕陽下平陸

一綫

登高復臨深所欲盡奇態側身蒼翠中試足魚龍背兩峯
勢欲合萬象全幽昧僅透一綫光頓失天地大日月無多
照歟忽異明晦縱橫羅怪石躑躅有餘礙淙淙半空溜直
下曳潛瀨溼雲凝不流鳥聲雲內外靜覺雷雨蓄幽疑鬼
神會因想開劈初五丁力稍懈一罅不及補千古詫奇怪
坐嘯窈冥中無言但稱快異境豈恆遇茲游矢以再長掛
告山靈呵護請相待

游嵩山寺

十里溪聲五里山數椽梵剎萬松間老僧掃地不爲客待

有白雲時往還

曹鼎望字冠五號澹齋豐潤人順治己亥進士改庶吉士授刑部主事歷官鳳翔知府有楚游新安等集

詩話冠五善造墨所製有玻璃光掌珠書畫天保九如諸款居官所至有聲詩近晚唐

石照山

曉出玉鄣門渡溪復越嶺茂樹欲參天盛夏翻清冷幽壑
隱禪關隔斷塵千頃側見古亭邊石照傳奇景翠峯危以
特壁光闌而炳詎止鑑鬚眉羅列山河影惟空故生明惟
靜乃能永昏昏行役者胡不發深省

小塔寺

楚天黃葉暮禪院白雲封徑僻宜乘興亭留爲勸農亂篁
迷小塔斜石倚孤松久坐從僧話林端送晚鐘

漢口別舍弟

汝從燕馬去我向楚州來歸夢隨江水離愁入酒杯暫分
鴻雁序先到鳳凰臺有約遲冬杪齋頭看臘梅

江月

雪盡羣峯出江空一月浮清光流不去偏照異鄉愁

黃州雨泊

瀉瀉千層雪江飛萬縷煙雨餘山欲暗赤壁夜停船

姚文燮字經三號龔湖桐城人順治己亥進士由推官
歷官開化同知有龔湖詩選詠園詩集

阿迷州

磴曲盤難盡邊州著阿迷一九天罅小連竿瀑痕低客榻
依琴室齋鐘徹鶴棲松滋舊圖畫感觸故山蹊

李仲字佚高邑人順治己亥進士官永甯知縣

千秋臺

千秋事業祖孫同小邑還堪歌大風趙北山河終不改洛陽城闕已成空映臺芳草萋萋碧隔樹明霞霽霽紅無限
游人增感慨一杯爲酌夕陽中

井在字存士文安人順治己亥進士官興縣知縣有鐵

潭集籠蟬集

詩話存士挾獄謂疑案務寬緩人以其爲名言辛永安禽大猾李唐宗亦能用猛詩平淡有致

擬陶飲酒

棲遲衡與泌家無擔石儲種秫理酒牀相對數卷書興至
過白石揮觴訊太虛啟期何自寬莊周終遽遽吾樂自有
眞八達何足譽

荒宅慚楊子而有架上書遺悲念手澤世盛感皇初我憂
何以解獨酌情亦舒豈不思共適醉醒殊乃疏所以楚靈
均蕭然賦卜居

灞上輕薄行

風急長安道日暮長安行紛紛灞漚塵向人衣上生促輪
亂馬蹄鞭影控懸旌豈無素相識有蓋莫我傾相逢游俠
兒足捷身致榮去去不相顧誰憐羈旅情

王鉞字仲威號任庵諸城人順治己亥進士官西甯知
縣有世德堂集

送洪區邱先生教諭長清

白髮焉能逐隊行一官獨冷稱長清遺民自識康成草博
士家傳伏氏經瘦馬骨高疲遠道古槐根出枕荒城應憐

到日多幽賞松桂高風苜蓿羹

嶺南秋色

秋來不復見黃葉但見野雲漠漠生花氣中人如二月鳥
聲依樹欲三更新禾瘴發微寒起廣莫風輕潦水平若向
山城高處望羈人何事不關情

馬驪字宛斯號驄御鄒平人順治己亥進士官靈璧知

縣

詩話宛斯少孤穎敏強記尤有左傳癖撰事緯數萬
言又取太古迄秦合經史諸子鉤括裁纂撰釋史數
十萬言除淮安推官改知靈璧有
惠政卒於官民爲制服奉祀名宦

池上作

板橋南去溼煙空春水平池宛鏡中新柳深含何限綠小
桃斜坼一枝紅種魚有術尋漁父斷酒無心學醉翁鷗鷺

閒情湖海興年來宦迹付征蓬

李如芳字仲淵號澹菴高陽人順治己亥進士官鄧都

知縣有行素堂詩集

詩話澹菴令鄧都值吳三桂反不受僞職羈之三年乘間脫歸抵荆門叩軍門述賊可滅狀且爲畫策制府以聞朝廷嘉之復原官其集纂入四庫書存目今不多見也

秋日過衡陽與王文振登大觀樓言別

依依不忍道攜手上高樓北極燕雲遠西山落日愁
蟬鳴楓葉冷猿嘯大江秋楚地知音少因君且繫舟

秋日自遣

寥落江城暮秋風處處同一官三峽外數口萬山中
貧賤差時輩飄零任轉蓬故園歸未得目斷信陵東

高恆懋字勵昌號乾甫靜海人順治己亥進士官奉天

教授

同友人過華藏庵

長夏蕭疏倦倚樓相將蘭若慰沈浮
午鐘敲醒十年夢溪水流殘半世愁
塔影斜侵竹院冷茶煙不斷白雲流
徘徊竟日風塵外話到無生意未休

彭鵬字奮斯號無山莆田人順治庚子舉人由知縣官至廣東巡撫有古愚心言

詩話無山少刻苦勵學取精忠亂時堅卧三年不汗
偽命亂定始起撰千日大夢圖記以述其事起家三
河令卽著廉名薦陟諫垣侃侃敢言存摺
至開府清介絕特與陳北溟施文賢相將
日哭三君子行福州守王之儀建甯同知
俞三畏侯官令劉嘉猷

嗟乎天地黯淡白日黷爲鴟爲鼠何反覆
三月有客過江言月望榕城人集木出者仰天皆屏息入者和塵保走肉

傳聞男子得三人伏屍流血恥臣僕泣曰三人者爲誰客
云以耳不以目將疑將信聽客云遲之七日果來復督臣
不撓被幽囚生死存亡握粟卜屈指三山王邦伯罵賊睢
陽身爲戮碧水丹山司馬公含笑就刃無顰蹙忠烈同時
孰後先剛鋒交下血噴漉上有猛獸正負嶠下有豺狼心
久蓄張牙開齒猶人前眈眈視之欲逐逐堂堂儘見七尺
軀下風稽顙惟俯伏懸河談天舌槁然肝膽冰寒形神觫
三公浩氣歸山河殺身成仁彼所獨如是我聞閉紫桑虛
空掩口吞聲哭吁嗟乎此此彼有屋蔽蔽方有穀哀今之
人誰非食君祿

從征行

大東小東空杼柚征徭不辨其盈縮自從排戶應兵興官

差打門暮與夙少婦露面嗚咽陳妾家良人無伯叔昨夜
行役點數千良人在內尙枵腹計程此去十二時隻身何
能兩馳逐婦陳官差亦咆哮西鄰老嫗聞之哭我翁六十
昨同去兒家重派翁必復東西兩婦聲慘惻老者氣乏少
者伏兩婦幾幾欲斷絕官差暫舍過北屋中有跛者不能
行繫之維之大輦蹙跛者含淚向婦泣莫怨官差苦自鞠
廢疾似我出僱錢誰云跛受手足福婦向跛者微歛吁太
平盍日向天祝今茲一一重申飭不奉羽書毋給副匪不
念彼征夫苦祁寒暑雨赴殺戮奈此役夫無休息遺黎久
難支鞭扑誰將此示懷好音趙趙漸次尋邦族百爾君子
惟所司努力奉行體並育但願清宴無煩苦職思其居車
脫輻

成克大字子來大名人順治庚子舉人厯官鎮遠知府

有厯游詩

詩話子來官戶部值創設粵海關受命監督有能聲
讀望洋臺一詩可見其旨守鎮遠以性剛不合於時
歸以著作自娛書法頗真卿詩有真氣王原序謂寄
情山水蕭灑淋漓其胸次空濶有雲海蕩搖之狀五
律尤嗣
響唐音

望洋臺

峻嶺有高臺突兀南溟岸長風萬里來天際帆影亂極目
荒徼外一氣疑未判蛟室邈難卽蜃樓聚復散天吳時出
沒驪龍珠光燦四海無揚波重譯來浩瀚百貨走如鶩有
無相易換遷賈罔市利此地立龍斷攘奪疊寶開掩襲肆
狡悍橫山起軍壘張威護里閭外禦異己者會使諸彝憚
我來一登臨狙獪信難捍嗟彼番鬼謀貿遷操勝算但恐

姿驕縱與世成冰炭濫觴不在多積微固有漸勿令登臺
人徒作望洋歎

仲冬赴瀨

嶺外朔風起颯颯吹我裳仰天見浮雲將無來故鄉故鄉
隔萬里北雁無南翔鄉書阻逾時竚立心徬徨久客復行
役雲水渺相望前路何須問風波感慨長

炎方霜雪少海氣夜寒生飄搖舟一葉游子衣裳輕飢渴
莫我問骨肉萬里情泠泠晚湖水淒清欸乃聲獨憐宵征
客憔悴百愁并顧影無僇匹仰盼悲參橫

過南贛

雙江清見底還繞古虔州水勢奔灘險風煙接瘴愁菜花
開野岸梅片落汀洲歲暮嗟行役征帆去不留

海幢寺送客登眺感懷

萬里浮槎至，憑高望越臺。
潮平梅雨歇，天濶島雲來。
霸氣餘殘壘，王宮盡劫灰。
無邊惆悵意，送客酒盈杯。

鄭茂字子勉，又字紫沔，永年人。
順治庚子舉人，官武平知縣。
有竹邊樓詩草。

都門霜降日作

風雨連朝動客愁，笳聲嗚咽滿邊樓。
捲簾何事看新月，一夜霜寒木葉秋。

支隆求字武侯，嘉善人。
順治庚子舉人，官沂水知縣。
有泊庵集。

柳洲亭

陡覺紅埃隔市闌，青羅如帶柳絲環。
園亭自占晴雲外，鐘

磬遙聞斜照間頓醒塵心返初地難拋積習愛名山同羣
鷗鷺由來慣消受春風一日閒

孔貞瑄字璧六號聊園曲阜人順治庚子舉人官大姚
知縣有聊園集

渡荆江

欲渡燒雞浦輕舟凌曉開波從白帝下人自夜郎回兩岸
浮煙動中流急雨來江陵形勝古殘壘近城隈

王士禎字淑子淄川人順治庚子舉人官成山衛教授
有偶然草

詩話王文簡名同泰陵諱追易爲正乾隆間詔改
爲禎不知同時自有淑子淑子篤行誼嘗拒奔婦讓
座於兄鄉里稱善人焉

虛上人從淄邑來膠歡然道故上人住青雲寺乃余

昔年讀書處也

連雨膠河漲新晴路始開書憑雙鯉至秋帶一僧來煮茗
煙迷竹談經月上臺不堪追往事山徑鎖荒苔

董俞字蒼水華亭人順治庚子舉人有浮湘度嶺諸集

詩話蒼水少與兄聞石並有才名坐述賦
除名詩涵演澹雅宋荔裳江鈍翁皆稱之

和王南州聽楊太常彈琴詩

莫謂鍾期少相逢故太常窮途俱落魄夙昔奉君王調入
巴雲遠音同淮水長雍門千古恨傾耳淚霑裳

雅樂淪江海先皇舊賜琴曲終管變徵愁絕不關音風雨
孤臣淚乾坤逐客心可憐家萬里西望白雲深

崔華字不雕太倉人順治庚子舉人有櫻桃軒集

詩話不雕爲漁洋分校江南所得士以黃葉聲多酒
不辭句得名人目爲崔黃葉漁洋又舉其一寺于松

內飛泉屋上行欹牆坐清畫薄冷出蘋間溪水碧於
前渡日桃花紅似去年時語皆清異山塵兼工畫
許墅舟中別相送諸子

溶溶月色漾河湄曉起頻將玉笛吹同上郵亭忘別緒獨
行驛岸解相思丹楓江冷人初去黃葉聲多酒不辭此路
三千今日始薊門回首雪霜時

江上

蕭瑟滿江上一雁蘋際飛水氣雜漁煙微茫入清輝淡懷
如高秋生業在釣磯大魚餌不受貪餌魚不肥斷絲棄中
流石上散髮晞

過江州有感

但得絕流去此行非我身有軍揮白羽無令不朱輪坐失
邯鄲策空嗟洮水人故園花已落惆悵老風塵

題嚴陵釣臺

功名莫後人雲臺已嫵媚生不能封侯何當故人憐
昔年吳市門辛苦南昌尉應爲婦翁留七星光炯翠
水習荆南公步習大司馬此時煙濛濛羊裘卧月下
影落臺千尺光連水一隅我來亦愛此不獨是狂奴
馬騰龍字卧仙文水人順治庚子武舉有隱泉集

思親

飲淚思慈母晨昏托老妻孤身萬里客異地五更雞瘴癘
侵人骨江山老馬蹄山城城外柳一望一淒迷

張玉書字素存丹徒人順治辛丑進士改庶吉士授編
修官至文華殿大學士諡文貞

詩話文貞早以制義名人推爲曲江風度遺集高文
典册多關掌故和平寬博允爲盛世元音詩不載集

中僅見者吉光片羽歸愚稱其詩品亦與文同以風度勝讀者如飲醇醪洵篤論也

謁項王廟

項王祠枕長江水拔山氣沸驚濤起陰森白晝啼鼙鼙蕭瑟西風黯赫米座傍烏騅伏不鳴餘怒猶欲乘雲騰想像悲歌出垓下可憐遺恨迷陰陵英雄坎壈識天意失路東歸亦何濟萬戶輕身贈故人一死何顏見義帝往事東流逝不回雌雄壁壘空塵埃君不見下相城頭望豐沛樵歌暮上歌風臺

息浪庵夜坐別叔敦讓木諸子

短棹攜樽觸浪過將離莫問夜如何最憐帆遠浮天闊始信江空得月多隱隱鐘聲千佛唱星星岸火一漁蓑荒雞促曙行人去回首雙峯護薜蘿

大閱恭紀

鑾輿曉出傳宮漏萬乘春蒐控玉鞭十二羽林雕輦後三
千犀甲幔城前招搖色映長隄直華蓋香凝禁樹妍脫臂
飢鷹霜距疾嘶風穀騎雪花拳龍鱗乍晃雲霄上虎旅同
趨日月邊褒鄂宗臣張左纛辭岐帝胄領中權銜枚受律
連營肅射柳分弓七札穿威策聲中看隊列饒歌曲裏促
觴傳丁甯諸將投戈日長憶

先皇講武年駟介踏雲還紫禁六飛扶日下青天威馳塞
北名王壘風靖滇南漲海煙指顧銷兵資廟略兩階舞罷
譜虞弦

送邱曙戒前輩之武昌

猿聲夾岸聽斜陽江樹蒼茫接故鄉卻較長沙歸路近行

吟何事怨瀟湘

輓馬章民年丈

辛苦中閨罷錦機
白頭曾未識宮衣
可憐風雨寒燈夢
猶是書堂夜讀歸

李仙根字子靜遂甯人順治辛丑一甲二名進士授編

修官至戶部侍郎

詩話康熙初安南攻高平高平莫元清走雲南邊界
事聞子靜以祕書院侍讀加一品服使安南騰書致
詰責安南君臣帖服著安南
使事紀要述奉使本末致詳

季秋王公武約游上方山

二十年前望落霞
如今重到似還家
半山紅日迎人出
一徑清煙傍馬斜
鴉勢遠盤孤塔影
漁歌長應轉帆撾
偶然興會因同調
欲覓幽閒更覺奢

申涵盼字隨叔號定舫永年人順治辛丑進士改庶吉士授檢討有史贛定舫詩草

詩話定舫早歲從其兄鳧盟學詩鳧盟稱詩河朔間所與游者皆一時名士定舫與之追逐殷伯巖劉津逮等皆視為畏友宋玉叔謂其樂府言遠而旨該論嚴而語雋不獨音節之妙

雲臺畫

雲臺畫黜椒房椒房庸何傷君不見麒麟閣上將軍光

銅雀臺

銅雀臺分香履一代雄風長已矣臺上月明臺下流水

佛骨表

欲佞佛及於骨然頂焚指意在獲福謂可不死邪佛如不死那得骨

雜興

青青嶺上柏移植廊廟間但能守清操所至皆深山疏水聊足樂逢迎恥厚顏閉門而卻掃坐卧有餘閒何爲長戚戚徒使鬢毛斑

公卿稅文藻名士貢航梯遼東誇白豕楚人來山雞欲貴洛陽紙先災大谷梨獵者道交錯譬唾比虹霓誰作指南車破此歧路迷士人先德行淘金黜沙泥

夜宿劉將軍園亭

建纛江東久將軍喜論文門庭無檠戟池榭有煙雲曲折堪修禊風流已冠軍我來方夏日涼月夜繽紛仗劍從戎去堂留綠野虛園丁晨掃徑奴子夜烹魚灞上誰開壘西湖正跨驢清時無戰伐衛霍有閒居

黃金臺

昭王擁篲已塵埃。碣石宮前盡草萊。伏櫪有心防虎視，按圖何地索龍媒。空聞易水千金價，早見咸陽萬騎來。滿目霜筇悲馬角，黃雲落日照荒臺。

黃竹子歌

江邊黃竹子，風雨夜悲鳴。不堪截作笛，亦有斷腸聲。

孫蕙字樹百，號泰巖，又號笠山。淄川人。順治辛丑進士。由知縣歷官戶科給事中，有笠山詩選。

詩話：笠山初官縣令，有異政，入臺亦有直聲。詩沿明七子聲律而出，以隱秀安諧流美蔚然成家。漁洋稱其七律中河聲入洛三門合，岳色來秦萬里明。烏藏諸國晴時見，風捲洪濤靜夜聞。黃菊候中無雁到，綠榕林外有鶯囀。古作者無以過也。

登千佛山絕頂

浙浙天風響雁羣，移尊飛閣未全曛。僧參破寺疑馴鳥，人

到空山似懶雲晴壑日懸初地靜平林風定午鐘分思從
慧業諸緣滅碧乳香寒石窟聞

舟泊廣陵

橫塘草碧竹煙涼樹帶風烏繞蜀岡二十四橋何處問廣
陵城下月如霜

登燕子磯

鐵鎖沉江王氣收蕭騷風色暗江樓丹楓遠岸戎戎市綠
浦寒煙點點鷗秋好金陵桃葉渡風迴玉笛木蘭舟名山
輪卻空王子梵剎依然枕碧流

舟出瓜洲

一棹晚江靜欲就人煙泊鳥邊日微茫眉際金焦落初地
動疏鐘客心方寂寞沙磧長潮痕竹樹攢江閣放眼揚子

橋已轉瓜洲郭安得故人來孤蓬共斟酌

金山

水國琳宮蜃氣昏雲開金碧射朝暎一圍樹色高連塔四面江聲湧入門郭璞墓前增戰壘中冷泉上沒潮痕憑臨不敢舒長嘯恐有蛟龍卧石根

送友人北歸

長淮二月風氣和濛濛花霧清明過南浦春漲送君去共醉當筵金叵羅黃河奔激天吳蹙白浪如山駭心目峒崕山頭落照紅輕裘解向河干宿野水添杯酒不醇欲留欲去意逡巡桑柘陰陰啼布穀柴門稚子待歸人

虎邱讌集分得微字

偶攜蠟屐來吳會海湧峯頭看落暉人去故山秋漸老客

逢新月雁初飛當筵洞壑留今古過眼雲煙任是非良夜
坐深金粟影天香都上酒人衣

于忠肅公祠

出狩天王竟北征烽煙已逼鳳凰城有君定國真長策奇
貨難居始罷兵南內邀功爭復辟西曹枉殺患無名最憐
一事公遺恨不使前星羽翼成

坐靈隱冷泉亭得響字

侵曉縱清眺爽氣生林莽脫葉映初陽宿露滴餘響幽討
策短筇巖壑恣上下靈隱瞰湖光冷然愜心賞蘋香散汀
沙鷗汎隨蘭槳蕭蕭楓樹林色奪明霞朗支公快同游元
言共俯仰人生激電流能著屐幾兩巖棲養性靈銜杯動
遐想何時賦遂初結屋東西瀼

蘭谿道中

輕舟搖桂楫細雨過蘭谿遠寺山支閣層田水疊梯林稀
松鼠見煙暗竹雞啼難倩河陽畫吟詩落日低

登八詠樓

翠屏迴合萬峯收婺野星分古縉州官廨閒雲遺碣在人
琴往迹大江流西堂春草年年合南浦飛鴻字字秋苦憶
東陽清太守苔陰滿地客登樓

聞鼓山絕頂可望海外諸國欲登不果

共說鼓山高出羣半天嵐翠霽氤氲島藏諸國晴時見風
捲洪濤靜夜聞未得肩輿隨度鳥何時蠟屐踏層雲晦翁
亭子空相憶絕頂松篁望不分

靈寶女郎祠

縹緲仙樓似玉京，蒼茫獨眺旅人情。
河聲入洛三門合，嶽色來秦萬里明。
望氣臺空芳草暮，度關人去夕陽橫。
孤心別寄登臨外，徙倚愁聞二月鶯。

太華絕句

絕頂青冥露掌開，仙人風跡隱樓臺。
雲間忽敞中原色，俯看黃河一線來。

秦川懷古

內史新豐不可求，長陵王氣已全收。
千盤鳥道歸隆準，百戰鴻溝割沐猴。
風雨滿天來渭北，麒麟遺塚自南邱。
幾經汗馬勞諸將，紫塞黃榆起暮愁。

爲姜勉中兄弟題諫草樓

杖血曾聞澠漢廷，孤忠旅望海雲青。
難回國步逃吳市，易

了家緣問敬亭失序雁鴻天漠漠經時薇蕨雨冥冥空餘
十二封章在夢繞銅駝幾涕零

滄海橫流付急湍當年一柱砥狂瀾籲天抗疏楓宸遠斫
地高歌宛水寒長憶主恩留北寺當誅臣罪戀南冠不辭
黨錮人千古遼鶴歸來尙故官

馬世俊字章民亦字甸臣溧陽人順治辛丑一甲一名

進士授修撰遷侍讀有匡庵詩集

詩話章民工書畫有二石之目謂右軍右丞也其先
世竹湖孟河兩先生皆以名元起家至章民而落拓
殊甚嘗以行卷謁龔芝麓司寇司寇讀至而謂賢者
爲之乎題文後比數亡主於馬齒之前遇興王於牛
口之下云云司寇曰李嶠真才子也歲暮贈炭金八
百兩明年廷試對策侃侃直陳不負所學遂得大魁
以困躓場屋垂三十年
故詩多侘傺不平之氣

大坯山

遠影平如蓋孤峯澹若雲松楸遲日照蘆葦帶風聞翠澈
一湖抱青光三郡分忘機余已久鷗鳥自成羣

九日卽事

曉檐爽氣報初晴雲意徐收到樹輕落葉裁詩秋蝶化短
籬曳杖午雞鳴一峯入戶青光好萬里登臺白髮生眼底
紛紛休再問滿天鴻雁不同程

坐駱氏水天一色樓

翠色空濛隔岸來高樓如畫面湖開此生未得餘杭郡今
日相期河朔杯天遠亭虛誰放鶴山寒節近好尋梅義烏
才子多流落詞賦鄉關起暮哀

閏三月二十八日午門應制賜宴及燭

右掖趨朝瑞靄濃千門望蹕立從容煙光次第籠臺柳漏

點依稀帶曉鐘爆背豈知丹陛峻溫綸不待紫泥封大官
送飯初承詔銀燭還聞下九重

羅人琮字宗玉桃源人順治辛丑進士歷官四川道監察御史有紫蘿山人集

雜詠

平生作計許吾曹肯向千秋覓賸膏覺悟偏生標一指神
明固勝畫三豪全天自合同樗櫟與世何當學桔槔閒卻
此身休運甓姑從痛飲快持螯

邵延齡字大年號靜山平湖人順治辛亥進士由內閣
中書歷官邢部郎中有耐軒集

詩話靜山嘗出佐靖逆侯張勇戎幕多所贊畫旋視
學江右受代卽告歸詩宗宛陵山谷以質實樸厚爲
尚

送沈融谷之任來賓

茶星大雅士試縣得來賓來賓劇遠道象郡開自秦炎方殊氣候服食慎風塵故舊紛相慰搖獐獐皆吾民方今朔南暨頑梗良以馴君也勤撫字禮讓風俗醇所負平生志盤根才獨伸揮手勿復道登車忘苦辛

存詩稿用宛陵韻

詩不可輕作此論疑亦偏不求文字名何必責備全禽蟲有鳴竅而人胡不然喜怒一寫之何物更存焉君子貴寓意任情長短篇不必笑梨棗士無輕棄捐嗟哉文章伯刻苦窮歲年縱有山水趣仍爲居食牽自命頗不小李杜相後先詆毀中晚季曾不及宋賢我所閣筆者名山與大川

次張耳黃元日韻

拂拂春風到鬢邊
星星偏不讓人先
連朝客思濃於酒
十尺閒齋小似船
是處名流吟節序
誰家老嫗解詩篇
勸君且袖襴衡刺
薄醉疏狂得少年

李時震字怕庵
江南山陽人
順治辛丑進士官內閣中書
有去來吟詩集

王家營別諸同人

脂車春曉別園林
握手依依思不禁
千里關山今夜月
一時樽酒故人心
緣堤柳浪催行色
繞樹鶯簧弄好音
尺素自然頻見寄
臨歧那復更沉吟

連佳樗字克昌
南宮人
順治辛丑進士官內閣中書有

損齋詩草

詩話克昌博通羣籍
詩吐屬新雋嘗
學詩於鉅鹿楊猶龍
可謂青出於藍

築牆謠

高築牆牆高不可越登登杵聲莫教絕官司念汝汝自竭
不見東村鞭撻流血

縣吏下馬揮鞭戟手虎咆雷殷兒啼婦走老翁指牆噤若
無口土在身木在首

牆下有壕壕深及水水潺潺壕無址風雨忽來牆入壕底
風耶雨耶戕我生者汝耶

飲丁若思榆枋館

負郭人家少結廬叢樹中巖深能障月洞小自留風曲徑
竹陰密長廊花氣通選茵聊共坐是處有殘紅

君自多幽興能留看竹人簷花催進酒池水待垂綸稍話
閒中事真疑世外身柴扉須靜掩此外卽風塵

此徑不常掃今來門始開多君儲綠醕許我破蒼苔寄興
花邊句留歡池上杯還期待良夜看月一登臺

石牀環坐穩微雨況初過盤摘新蔬早衣沾落絮多看基
移日影把酒度鶯歌欲結求羊侶還來就薜蘿

張衡字友石又字義文號晴峯景州人順治辛丑進士
厯官陝西榆林道有聽雲閣集

龍潭村

不識煙塵地猶藏太古村蒼松迷谷口怪石繡雲根巖複
人居匿坡回犢牧喧柴門堪小憩轉盼失桃源

塞下曲

羽書忽動塞垣開十萬軍儲括地來聞說屠耆歸命早凱
聲已過赫連臺

悠悠羌管動邊愁二月冰寒水不流回首家園春色斷有
人掩淚獨登樓

聞笛

塞鴻初動塞雲收阿濫堆中喚客愁記得吳江歸棹晚蘆
花風外一聲秋

牛樞字伯衡號雙溪元氏人順治辛丑進士歷官嘉興
知府有滇游草

平溪道中漫興

不是函關界胡爲紫氣翔嵐氛迷曉色林影障晴光雨灑
征衣薄風迴驛路長分明煙火處隔水正徬徨

孫錄字古喤號徵庵嘉善人順治辛丑進士官潮州通
判有芷庵集

詩話國初傳臚不與館選者順治丁亥金壇于明寶
己丑鄧范光文王辰華亭李榛康熙甲辰海甯沈珩
庚戌丹徒何金蘭與徵庵而六徵庵多髯漁洋
稱爲孫髯贈以詩曰孫郎還無媚真紫髯風

丙寅正月四日集陳園公鍛圃偕王山長賦

嶺海多炎威終冬百卉滋榮瘁固常理而乃獨迷離良無
冰與雪安得不紛披春寒忽以肅凜烈沁心脾天道渺難
信執義守襟期良夜欣譙賞高會獨忘疲智愚豈有術茲
理察如絲小人玩細娛君子懷明夷立德不在小慎此白
日馳寒暄迭四序悟者僅盈卮素心誠有託永懷商山芝
高山不可尋轉側如輪輾本無嬰物心所期在幽獨開軒
肅賓侶獻酌浮蟻綠飲醇乃適志不必杯行促庭樹發鮮
花結根挺巖谷古幹鬱且蟠振采異繁縟大抵天地間杜
機成芳淑紛紛各自媚貴文而賤樸良無金石固見恥鴻

與鶴古來肥遯者畏壘高卜築眷我同心友亮節各如竹
修竹蔭華池清陰接雲表不與凡卉爭經霜獨矯矯伶倫
識其音宮爲黃鐘肇德暉千仞下結實等瑤草數斛充白
杵安用游三島彼美此中居其顏姣以好道廣無雜賓庭
軌何須掃落葉煮清泉典籍恣搜討驅車一再過湛然樂
深省相視各忘言命酒不知曉諒無詭隨趨遑計拙與巧

送陸季沖之任鬱林

驂駟爍電本空羣嶺外梅花正俟君地近蒼梧常帶雨天
連勾漏半飛雲莫辭椰酒蠻中異更有蘆笙馬上聞此去
不須愁薄宦故人還是沈休文

送王懷人歸漢陽寄張素先孟天友

芳郊碧草正萋萋落日河梁手重攜詞客高吟青雀舫楚

人齊唱白銅鞮城邊樹色連樊口江上花明滿大隄十載
故交零落盡因君爲訪鹿門西

蘇楫汝字用濟新會人順治辛丑進士官內閣中書有

梅岡集

次韻高蕩蕩宿煮石園

山館非無暑閒心到處秋聞君與孤鶴卧對古松邱輕蔭
移涼坐巖城得野游崖邊月初白定上石西樓

壽林秋浦先生

碩果風流在薜蘿主持文藻逸情多時違不損龍高卧道
大何勞鳳作歌舊學人爭推伏勝一經吾尙及田何華堂
絲管揚亭月豈獨候芭載酒過

葉映榴字炳霞號蒼巖上海人順治辛丑進士改庶吉

士降國子博士厯官湖廣參議道署布政使殉夏逢
龍難贈工部侍郎諡忠節

庚申夏至日起武威至張掖

武帝功成吏守邊傷心天末是居延人家板屋風聲裏思
婦寒衣淚眼前目斷燕支愁見月槎浮銀漢渡經年慚余
不作征西將藥裹書囊信一鞭

林堯英字蜚伯莆田人順治辛丑進士由兵馬司指揮
厯官河南提學道僉事有澹亭詩略

初夏憶木蘭舊游

還望梅峯半茅齋起寂寥徑通巖頂石樓瞰海門潮蟬嘒
風中竹蠟行雨後蕉澄心點周易滴露在林椒

石室峯頭坐巉巖直接空雲遮江樹白日射海波紅松鼠

盤藤蔓莎雞隱竹叢長懷觀蜃市樓閣散柔風

魏裔訥字觀周一字辯若號蘧庵柏鄉人順治辛丑進士官江南桃源知縣有逸休居詩

丙午春日同柴巨公游龍門

蹇裳躡石磴緩步入高雲晉國千峯斷秦川一嶺分行人冰上渡濁浪樹邊聞杯酒攜良友相看日欲曛

石佛寺

梵宇開何代鐘聲峭壁間高楹基趁石古佛像因山萍水攀僧話煙雲盪客顏殘碑經歲月風雨欲成斑

過金陵

雞鳴山外大江流迢遞孤城暮靄浮六代遺宮餘亂草千年王氣委荒邱青谿花落春將老翠柳鶯啼麥欲秋往事

不須頻悵望銅駝自古恨難收

王維坤字幼輿號鵝知長垣人順治辛丑進士官梓潼

知縣有漸細齋集

詩話幼輿令梓潼越四年引退未歸值滇黔亂起蜀
陷於賊乃率妻子竄伏山谷間轉徙播州蠻峒中與
樊沱雜處亂平始歸里隱邑西青岡自稱青岡農父
生平嗜書尤愛山水故游之日居十之六所歷山川
風土皆紀以詩申見盟稱其近體多雋語曠致磊
珂自得歌行長篇縱橫頓挫莽莽然如萬夫敵

舍弟晚至昭署

破壁坐螢火空堂鳴馬蹄涼乘文水上遠自劍門西辛苦
憐吾弟飢寒愧老妻何期今夜酒同醉玉繩低

清明書感

稠桑密蔓翠遙遙獨坐空堂對次寥風雨愁連小寒食鄉
關淚濺閨花朝萬山重複皆遮眼五斗淒涼尙折腰手種

長鄉山畔柳爲誰攀盡最長條

登大伾同孫右漢

欲識山容十載餘東風杖履任徐徐下方鐘磬前朝寺絕
壁龍蛇何代書馬鬣已平襄敏墓鶯聲空弔次梗居憑高
看足春光好誰向峯頭結草廬

中秋闌中陪家貽上鄭次公兩主考公讌

貢院卽舊蜀宮

峨嵋天際月華涼同上南樓望帝鄉東壁雲霞新翰墨西
風禾黍舊宮牆魚鳬乍闌憐三戶駿骨難求負九方惟有
百花潭尙在共攜杯酒問滄浪

河漢遙連鳳闕邊使星久已見雙縣何期作賦來王粲更
向傳經識鄭玄駟馬風流餘蔓草卧龍祠廟老啼鴉天涯
難聚西園侶珍重嬋娟一夜圓

寄申三太史隨叔時病假歸里

騎驢供奉午橋東
謝傳聲歌孰與
局爲恐黑頭難早相
且從白社侶
生公干門柳色沙村雨
十里荷香水閣風
豈似蠻荒愁苦吏
感春獨泣亂山中

和答凌玉見送兼懷沈繹堂之作

高士春山長薜蘿
又披疏雨唱騷歌
龍文寶氣來茅屋
馬首風沙指大河
別緒桃花潭尙淺
懷人杖杜賦偏多
相逢爲說君詩好
不數中原舊李何

高之駒字聖游淄川人順治辛丑進士官平越知縣有

含翠堂詩

詩話聖游爲念東侍郎子遠宦黔中值平西之亂崎嶇艱阻故詩多憂生念亂之作

旅困值雪

陳合遙天暮雪飛寒肩孤聳擁鶉衣臣飢欲死當安命寇
亂如麻敢曰歸兄弟鵲鴿貧共急兒孫牛馬老相依北風
吹背蕭蕭冷誰寄梅花到竹扉

李世錫字帝侯號霞裳膠州人順治辛丑進士官嘉魚
知縣有綺存集

詩話霞裳生有夙慧弱冠卽負文名嘗爲詠物詩十
二章山蘿玉稱之其詠甘草云憑事五朝長樂老未
曾獨將漢留侯尤爲傳誦告歸後出游幾徧海內倦
歸築室雲溪南岸自號溪南老補晚盲於視猶吟詠
輟不

荒園

荒園草木深時復值長夏綠影徧方塘清陰蔽茅舍白日
向西頽返照穿桑柘庭花處處開高低自相亞翠葉與丹
榮明霞互映射中有學佛人身心久休暇手把寒山詩歎

顏坐及夜旣夜若爲眠狂歌莫能罷奇哉寶月輪光明上柳罅

村居

少壯農忙老者閒了知萬事不相關揖人坐語路旁樹窺我行吟牆外山薄暮日沉雲兩角詰朝風動月重環繩牀縱有浮生夢不過田園水竹間

趙培基字二維號鹿賓平鄉人順治辛丑進士官陵水知縣

遣愁

故國雲山外音書何日來煙深溟海暗風雨夜猿哀人向百蠻老鴻應五嶺回自憐愁淚眼懶上望鄉臺
旅食隨人飽方言久客通山雲常蔭綠海日早翻紅嵐瘴

村村雨枕榔樹樹風獨憐星月夜遙與故鄉同

秋懷

萬事慙黃髮艱難吾道違海深天更遠林暗鳥還飛避世
甘貧病稱兵有是非初心何日遂閒殺北山薇

唐世徵字魏子一字琴疊湘潭人順治辛丑進士歷官
江西玉山知縣有數峯詩燕游草爲郎小草碧泉詩
鈔

石浦草亭爲劉符九

竹覆渾無徑村迴此有亭岸煙隨暮雨渚草帶春星溜引
畦三畝山移翠一屏徵君自經濟邱壑不求銘

侯元棐字友召號兔園杞縣人順治辛丑進士官德清
知縣有問渡小草

中秋坐月有感

秋月仍如此荒村倍可憐百年新白髮萬事老青瑣蟋蟀
吟何苦蟾蜍影自圓親情常共酌牢落一燈前

諸嗣郢字乾乙號松槎一號勿庵青浦人順治辛丑進
士有九峯山人集溪上吟

詩話乾乙因通賦被斥後寄情泉石徧搆園亭點綴
名勝每歲三月三日九月九日招集名流爲九峯之
遊梅村爲作九峯草堂歌者是也晚耽元學無疾而
逝與葉詡庵尙書交尤摯忽得其手書寄仙茅三兩
云余山靈藥謹以相贈明年詡庵亦卒傳爲異事

春日徐松之以詩見贈次韻奉答并訂山游

春風隨意柳條新採藥攤書寄此身休怪白雲封不住桃
花原是惹漁人

過第九峯懷古

短展高筇破寂寥危樓曲圍望迢迢三春草色埋雙俊一
夜鐘聲換六朝神虎嘯風常習習亂篁翻雨故蕭蕭年來
莫話封侯事流水行雲意盡消

九峯草堂同吳梅村先生夜話

名花美酒共婆娑月落烏啼奈曉何爲遇潯陽舊供奉慙
勤重唱渭城歌

李自郁字文叔松滋人順治辛丑進士

詩話文叔本姓黃僑寓松滋依婦家
以居遂從其姓相傳爲黃忠懿裔云

桃花源

舊夢荒唐說避秦桃花辜負幾千春人間那有仙源路多
事劉郎枉問津

蘇媚字依巖大興人順治辛丑進士有圯上吟

子房山

圯橋進履處洪波沒碑顙留得子房山
頽然立榛莽可憐楚王峯朝昏共俯仰
黃石與赤松令人有餘想當年秦皇
鹿得失如反掌况乃韓彭輩身命付羅網
今古此浮名誰能塞天壤悲風起林末
謾謾發枯響空瞻博浪墟輪蹄自來往

得鶴川守崔斗瞻札

劍津離別後廿載各天涯山雨迷歸雁
淮雲急逝驂干戈方過眼髮鬢已成絲
萬里傷心事音書到下邳

秋望

關山迢遞夕陽斜衰草離離客路賒
野水連天惟渡鳥孤城隱霧半藏花
南來旅雁雲邊笛北去歸鞍塞上笳
獨怪

湖濱垂老叟經年寂寞滯天涯

次俞靜庵雜詠

一庭新綠散芳陰猶見殘紅點客襟
枝上流鶯啼不住方知門外已春深

晚晴移詩匯卷三十一終